

Kamē ir tēkrāsis ruojos

Kāp Dongou, tēp ēr ont Žemēs
Pondēivs gamtuo tvarka darē,
Ē pri darba, kor svarbesnē,
Sava prievaizdus pastatē.

Juons atsaka ož šēinpjūtē,
Ka karvelēs suotēs būto,
Ka par vēsa šalta žēima
Gertomem mes šēlta pēina.

Lēipas galē, jau pu Juona,
Valdžē parjem švēnta Vuona.

Ana prēveiz jau rogiū lauka,
Varpas dēdēlēs ka augto,
Ka kvētē gerā derieto,
Grūdā aukso ka žēbieto.

Je bus grūdū – bus ē mēltu,
Ont stalū bus douna šēlta.
Diel tuo žmuonis švēnta Vuona
Ē vadēn tep – Dounas Puonē.

Vasarele jau prabiegos,
Grūda žemien viel sobieros,
Par gelsviejonti jau mēška
Aten gīvuoliu gluobies Prončēškos.

Must Dievulis ēlgā varga,
Kol padarē Žemie tvarka.
Dēltuo – nabēiškuokem Ruojaus,
RUOJOS – če – pu mūsa kuojuom...